



UNIVERSITÄTS-
BIBLIOTHEK
PADERBORN


Sacrarvm Antiqvitatvm Monvmenta

Hillesheim, Ludwig

Antverpiæ, 1577

Seth.

[urn:nbn:de:hbz:466:1-68887](#)



Haedeler. fecit.

Crispin. F. Vent,

*Merserat æterna miserum caligine mundum
Primæus genitor, duraq; fata tulit.*

Iam

Iam vitæ series omni miserabilis ævo
 Pœnæq; cum culpa facta perennis erat.
 Hauserat & sanctum tellus madefacta cruorem,
 Crimine profusum dire Caine tuo.
 Ipse Deus damnavit opus, cædemq; nefandam;
 Pessima conuicta est iudice caussa Deo.
 Nam meruisse docet culpam, cur sacra perosus
 Impia, non gratum munus habere queat.
 Si fueris iustus, lætum pietatis honorem,
 Officijq; feres munera grata tui.
 Impius, atque nocens, diris urgebere fatis,
 Tristis & infandum pœna sequetur opus.
 Attamen ille malus toruè obluctatur, & audet
 Præsentem contra iurgia ferre Deum.
 Mente nefas texisse parum, truculentia vultu
 Hæsit, & in facie signa nocentis erant.
 Interea duris pietas exercita fatis
 Ingemit, immensis obruta diua malis.
 Sic malus insidiis serpens grassatur in omnes,
 Quorum sunt sacra pectora plena fide.
 Spes ingens illi sublato insedit Abele,
 Excelsa pietas sed reparata manu est.
 Nam viget æternum, fixo dum cardine mundus
 Stabit, & hoc ipso depereunte manet.
 Ergo iterum magni reparatur origine Sethi
 Sanctorum cæso nuper Abele genus:
 Ut tandem seclis labentibus omnis ab illo
 Germine, terrarum prodeat alma salus.

Genes. 5.

AS ENOCH.